

modificada pola Lei 11/1988, e modificada pola disposición adicional oitava da Lei 2/2007, do 28 de marzo, de traballo en igualdade das mulleres de Galicia, pola que pasa a denominarse Lei de normas reguladoras da Xunta e da súa Presidencia, e o Decreto 517/2005, do 6 de outubro.

DISPOÑO:

Artigo único.

Primeiro.-Ampliar o importe da contía máxima da Orde do 5 de marzo de 2007 pola que se regulan as bases que rexerán as subvencións dirixidas aos concellos e mancomunidades de municipios para o fomento e realización de actividades de voluntariado na contía de 82.000 € (oitenta e dous mil euros) con cargo á partida orzamentaria 2007.05.32.312F.460.0 (proxecto 2003 00512) dos orzamentos xerais da Comunidade Autónoma de Galicia para o ano 2007.

Segundo.-Esta modificación non afecta o prazo establecido na referida orde para a presentación de solicitudes.

Disposición derradeira

Única.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 28 de xuño de 2007.

Anxo Manuel Quintana González
Vicepresidente da Igualdade e do Benestar

**CONSELLERÍA DE PRESIDENCIA,
ADMINISTRACIÓNS PÚBLICAS
E XUSTIZA**

Decreto 129/2007, do 5 de xullo, polo que se concede a Medalla de Galicia na súa categoría de ouro.

En atención aos méritos que concorren en Isaac Díaz Pardo, e ao abeiro do disposto no artigo 4 do Decreto 1/1991, do 11 de xaneiro, polo que se regula a concesión da Medalla de Ouro de Galicia, modificado polo Decreto 215/2003, do 3 de abril, é vontade do Goberno galego outorgarlle a súa máis alta distinción.

Polo tanto, por proposta do conselleiro de Presidencia, Administracións Públicas e Xustiza e logo do acordo do Consello da Xunta de Galicia, na súa reunión do día cinco de xullo de dous mil sete,

DISPOÑO:

Concederlle a Medalla de Ouro de Galicia a Isaac Díaz Pardo.

Santiago de Compostela, cinco de xullo de dous mil sete.

Emilio Pérez Touriño
Presidente

José Luis Méndez Romeu
Conselleiro de Presidencia, Administracións
Públicas e Xustiza

Resolución do 22 de xuño de 2007 pola que se ordena a publicación do acordo do Consello da Xunta de Galicia do 21 de xuño de 2007 polo que se aproba a relación de postos de traballo da Consellería de Innovación e Industria, agás o organismo autónomo Instituto Galego de Consumo (IGC).

A aprobación da relación de postos de traballo da Consellería de Innovación e Industria agás o organismo autónomo Instituto Galego de Consumo (IGC) xustifícase pola necesidade de adaptala á nova estrutura orgánica aprobada polo Decreto 231/2006, do 23 de novembro, polo que se establece a estrutura orgánica da Consellería de Innovación e Industria.

En consecuencia, por proposta da Consellería de Innovación e Industria, consultadas as organizacións sindicais presentes na Mesa Xeral de Negociación da Comunidade Autónoma e a Comisión de Persoal, o Consello da Xunta de Galicia na súa reunión do día 21 de xuño de 2007, adoptou o seguinte

ACORDO:

Primeiro.-Aprobar a relación de postos de traballo da Consellería de Innovación e Industria agás o organismo autónomo Instituto Galego de Consumo (IGC) nos termos que se sinalan no anexo ao presente acordo.

Segundo.- Ordenar a súa publicación no *Diario Oficial de Galicia* para efectos da súa entrada en vigor a partir do día seguinte a ela.

Visto o acordo adoptado polo Consello da Xunta de Galicia na súa reunión do vinte e un de xuño de dous mil sete, relativo á aprobación da relación de postos de traballo da Consellería de Innovación e Industria agás o organismo autónomo Instituto Galego de Consumo (IGC), coa finalidade de cumprir o dito acordo, dispoño que se publique no *Diario Oficial de Galicia* como anexo a esta resolución.

Santiago de Compostela, 22 de xuño de 2007.

José Luis Méndez Romeu
Conselleiro de Presidencia, Administracións
Públicas e Xustiza